

玉錄寶度午朝儀

法事如式

各禮所存念如法

請宣神呪

丹靈朱火 炎霞激風 赤輪剛運 天光八衝  
遊魄包羅 交變萬方 流金豁落 羣魔滅蹤  
辟奸破妖 明耀元功 金符召制 彌雲策龍  
誥歌慶會 散花太空 神化宜運 四極安隆  
伏御帝前 罔有不恭

鳴法鼓二十四通

無上三天玄元始三炁太上道君太上老君  
召出后身中三五功曹左右官使者左右捧  
香驛龍騎吏侍香金童傳言散花玉女五帝  
直符直日香官各三十六人出出者嚴裝顯  
服冠帶垂纓關啓玄壇土地方域神真巨今  
午朝陞壇行道護表為考其諸忱悃已錄  
告聞願得  
太上十方至真道炁靈寶慧光下降流入臣  
等身中今臣所啓之誠速達徑御  
太上無極大道三清上聖昊天金闕玉皇

帝東極慈尊青玄上帝御前

請稱法位

具位臣姓某與臨壇官眾等謹同誠上啓  
虛無自然無極大道元始天尊太上道君太  
上老君高上玉皇上帝紫微北極大帝紫微  
天皇大帝后土皇地祇東極青華大帝南極  
長生大帝無上玉帝玉虛上帝東華南極西  
靈北真玄都玉京金闕七寶瓊臺紫微上宮  
靈寶至真明皇道君十方已得道大聖眾至  
真諸君丈人大慈大悲救苦真人救度真人  
大惠真人往生真人普救真人香林會中法  
解真人三十六部尊經玄中大法師三天大  
法師靈寶經籍度三師真君正一嗣系女三  
師真君三界官屬一切真靈巨闡萬真環拱  
疑聖日於妙殿三極皈依扇仁風於長樂慈  
光映紅霓之象威芒射劍戟之容名權垂慈  
開地禁而招地魄號尊救苦將天炁以制天  
魂一切之結習冰消十方之威神風動魏魏  
玄運赫赫嚴瞻臣等身佩瑤圖心營瓊檢煙  
霞獨厲合凝二炁以篤遷日月同流乃混萬

塵而蚊負切切惜分之志依依進寸之心踏  
過履非幸道丹青之威令奉符宣德誓彰金  
石之真忱

君命所臨理宜闕奏欽奉

給音崇修玉錄寶薦其靈進位天階升真仙  
品按如詞旨備切精誠爰皈命於青華其登  
名於紫籍瑤臺雲敏羅玉錄之真階瓊闕天  
開拱虛皇之寶御禁路簇龍華之仗霄衝傳  
鳳暉之音碧霧彌羅奏鈞天於芝陸翠霞綵  
緲飛寶篆於蘭蕙駕行穆穆以朝班蟻悃  
勤勤而奏對願敷陽綉為關陞慶俾萬類以  
霑恩使十華而均慶以今午朝陞壇行道請  
法眾等運茲初檢上香願此香煙騰空徑上  
供養  
無上至真道寶臣等皈身皈神皈命首體投  
地仰依  
太上三尊十方眾聖願以是香功德端為  
其靈伏願玉京侍聖瑤闕凝真炁入玄玄陰  
麟符而延周曆神超渺渺茂鳳紀以衍堯宗  
今故燒香自皈依

師尊大聖東至真之德得道之後係天長存  
和與道合真

以今午朝陞壇行道請法眾等運蓋二檢上  
香願此香煙騰空徑上供養

無上至真經寶臣等皈身皈神皈命首體投  
地仰依

太上三尊十方眾聖願以是香功德實為  
某靈上請上清黃錄院三位真君請授錄符

依科證道伏願青華定錄永遊宴於福鄉朱  
陵登真常道運於道境今故燒香自皈依

師尊大聖東至真之德得道之後升入無形  
和與道合真

以今午朝陞壇行道請法眾等運蓋三檢上  
香願此香煙騰空徑上供養

無上至真師寶臣等皈身皈神皈命首體投  
地仰依

太上三尊十方眾聖願以是香功德上請度  
人不死之神南極長生之君度世司馬大神

好生韓君丈人南上司命司錄延壽益算度  
危尊神南上九華真人十方飛天神王同遵

符命升送

其靈上登天位恭願降日月之真精會陰陽  
之梵炁精神魂魄意聚五炁以朝元玄化天  
地根結一珠而成象證真天府遊宴玉京繹  
被人天恩覃家國今故燒香自皈依

師尊大聖東至真之德得道之後永保長存  
和與道合真

唱方

懺方

命魔

三啓

三禮

重稱法位

具位臣姓某與臨壇官眾等謹重誠上啓

三清三境天尊十極十華上聖三界官屬玄

壇應感一切真靈臣聞碧落流精洞換綠羅  
之界青霄御炁輝煌養鶴之墟示法身而數

若沙塵衍聖言而明符日月凡神皈命必沐  
留神以令欽奉

綸音崇修玉錄祗薦其靈玉簡升神諒齋功

之國極金符度命信妙果之無窮恭願其靈

祖炁澄清性天墜徹高步華林之境妙登碧

落之庭上願三景高明五靈協順風雲肅敬

草木輝華魚躍鳥飛運生處於為迹風儀默

舞响化育於虞廷三農遊夏屋以歡娛四鄰

登春臺而樂志顯幽遠慶宗社隆安則上明

天尊大慈之化下副臣等皈命之誠謹啓以

發願

存神燒香

香官使者左右龍虎君侍香諸靈官當令臣

向來午朝陞壇行道之所自然生金液丹碧

之美百靈眾真交會在此香火鐘前當願誠

意感通玉靈升度克證神仙之果普濟家國

之恩十方仙童玉女接待蘭煙傳臣向來所

啓之誠速達徑御

至真無極大道三清上聖昊天金闕玉皇上

帝東極慈尊青玄上帝道前

出堂頌  
玉錄資度午朝儀